

Zikhlum hi thal thlai a ni a. Thlasik October atanga November thla ah te chin thin a ni. Vitamin A leh C te a pai tam a, chu bakah chuan chaw tha (minerals) Potassium, Calcium, Iron leh Sodium te a pai hnem bawk a ni.

Zikhlum chin na tur lei buatsaih dan:

- Lei uluk taka leh tur a ni
- Vawi 2-3 leh nawn theih chuan a tha
- Zikhlum phun sawn na tur lei chhun pawn a zau zawng 1m, a sei zawng 4-5m leh a san zawng 30cm vel siam tur an ni.

Zikhlum Kui tiah na (Nursery):

- Bawng ek dur emaw vermicompost leh lei pawlh tur (4kg ek dur kha $1m^2$ lei ah pawlh zel tur)
- Thlai chi te a tlar in inch1 dan velah thlak tur a ni
- Thlai chi thlak te leitha in pan te a khuh tur a ni.

- Tui pek ngei ngei tur a ni
- Phunsawn theih hma kar 4-6 chhung chuan hnim a khat tawka pawh fai zel tur



- Kar 5-6 vela upa thlai tiak te chu phunsawn tur a ni.
- Hnah 4-5 a nei tawh tur a ni.
- Tui pek nghal tur a ni.



Leitha pek dan:

Bawng ek/ Ar ek/ Vawk ek (tawih tha tawh) te hi lo Tin khat hmunah kg 4000 pek tur a ni. Lei $1m^2$ zelah ek dur kg 2 pawlh tur a ni.

NPK- 120 N: 60 P_2O_5 : 60 K_2O

1. Urea

Urea hian thlai chaw pawimawh emem mai, Nitrogen (N) 46% lai a pai a, N hi India ram pumah duh ang tawh kan neilo. Hectare 1 ah urea kg 264 pawlh tur a ni. Chu chu Tin khat hmun atan chuan kg 105 nen a in tluk.

2. DAP

DAP hian thlai mamawh chawtha Nitrogen (N) leh Phosphorus (P) a keng tel veve a, Urea hmuh remchan loh pawhin DAP hi a lawnga

hman theih a ni. Hectare khat ah DAP kg 132 pawlh tur a ni a, acre 1 / Tin khat hmun ah kg 52.8 pawlh tur a ni.



3. MOP

MOP hian thlai mamawh Potassium (K) 60% lai a pai a. Thlai natna do thei turin a ti chak a, a rah that nan te a pui a ni. Hectare 1 ah MOP kg 96 pawlh tur a ni. Hemi tlukpui chu Tin khat hmunah MOP kg 38.4 pawlh a ni.

Integrated Nutrient Management kan tih hian Thlai chaw tha kan pek dan a tarlang a. Damdawi/hlo hlang kan pek hian thlai chuan ngeih nghal emem mahse, nakin zelah lei a ti da in thlai atha thei tawh thin lo.

Chuvang chuan ran ek dur te, vermicompost te hi kan thlai chawtha ah kan pawlh ngei ngei tur a ni. Tin, mahni lo a hnimhnah kan thlawh fai na te, hnahtel ro te, bawng ek te nen pawlhin up tawih ila, thlai chaw tha Compost harsa lo takin kan nei thei a ni.

Tin, NPK te hi a dose pel in pek loh hram hram a tha a. Kan pek hnem lutuk chuan a tha lam aiin a chhe lam a thlen thin zawk a. Thlai te a kang in, leia thilnung tangkai te a ti bo theia, lei a ti chhe thin. A dose diktak pek kan tum thin tur a ni.

INTEGRATED NUTRIENT MANAGEMENT ON CABBAGE



Buatsaihtu:

**Vanlalmalsawmi Sailo
SMS (Soil Science)
KVK, Lawngtlai District
Chawnhu**